



## RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 30 Juñu 2020

### KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha lora 30 fulan Juñu tinan 2020. Relatóriu ne'e hatudu katak kapitál Fundu nian iha trimestre ikus ne'e mak billaun US\$18,07 kompara ho billiaun \$17,03 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$65,73 ne'ebé kompostu husi kontribuisaun *kontribuinte* sira ba Fundu hamutuk millaun \$18,15 no pagamentu *royalty* simu husi Autoridade Nasionál Petróleu (ANP) millaun \$47,58

Rendimentu husi investimentu Fundu nian ne'e hamutuk billaun \$1,23 kompostu husi kupaun no jurus ne'ebé simu mak millaun \$94,51, mudansa iha valór merkadu nian billaun \$1,19 no movimentu cambiais lakon mak millaun -\$3,63 iha trimestre ne'e. Ne'e rezulta rendimentu ba karteira Fundu nian durante trimestre ne'e 7,27% enkuantu rendimentu sasukat (*benchmark*) nian ba periodu ne'e mak 7,28%.

Hafoin Ministeriu nia desizaun ba mudansa iha karteiras rendimentu fixu nian, mandatu título global ex-U.S *unhedged* troka tiha ona ba *hedged*. Tanba mudansa iha estratejia ne'e, jestor esternu rua ba título global ex-U.S *unhedged* terminadu tiha ona, no nomeia fali Bank for International Settlement (BIS) maka sai jestor esternu foun hodi jere mandatu ne'e iha *hedged*.

Konsekuentemente, rendimentu fixu mandatu *enhance passive*, tinan 5-10 título tezouru Estados Unidos Amerika nian ne'ebé molok ne'e jere husi BIS, reestrutur fali ba mandatu passivu no transfere fila fali ba BCTL hodi jere internalmente,

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala nen nulu dahuluk. Diferensia entre portofoliu no pontu referensia hahú husi inísiu fundus nian mak pontu baze 6 (0,06%).

Pontu importante husi Relatóriu Trimestre ba dala LX, ne'ebé kobre período 01 fulan April tinan 2020 to'o lora 30 fulan Juñu tinan 2020, inklui:

- Kapitál Fundus nian mak billiaun \$18,07.
- Osan kontadu bruto fundus nian tama husi kontribuisaun kontribuinte, *realeza (royalties)* hamutuk mak millaun \$65,73.
- Osan kontadu líquidu ne'ebé sai husi Fundu durante trimestre ne'e hamutuk millaun \$255,85 kompostu husi millaun \$250 transfere ba Orsamentu Estadu no millaun \$5,85 kobre kustus jestaun nian.
- Reseitas líkidus durante trimestre ne'e hamutuk millaun -\$184.27.
- Rendimentu portofoliu iha periodu ne'e mak 7,27% kompara ho rendimentu referensia mak 7,28%.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili 4 Agustu 2020

Venancio Alves Maria  
Vice Governador

---

#### BANCO CENTRAL DE TIMOR-LESTE

Avenida Bispo Medeiros  
P.O.BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: [info\(at\)bancocentral.tl](mailto:info(at)bancocentral.tl)